

1742/4822 乙(20)

日暈珥冠等占

日有雲炁占

日雜雲炁占

月有雲炁占

雨晴備占

霧蒙霾附雜占

虹蜺

虹部占

霜露雪占

雷電雹占

THE CHINESE-JAPANESE LIBRARY  
OF THE HARVARD-YENCHING INSTITUTE  
AT HARVARD UNIVERSITY

MAR 1 1954

30

管子規

輯要

辛

共廿七

管窺輯要卷之五十七

六安黃 鼎玉耳父纂定

哈佛大學哈佛燕京圖書館珍藏印

侄九錫公位

九疇倫叙

九如眉介

桐城方兆及子詒同閱

日暈珥冠等占

日暈兩珥宮中多事 宮分爭七日不雨審察官  
中一日有拜將有立侯王天子更令一日主有謀

軍在外，軍有悔。一曰：貴人罷黜，有謀反者。

日暈兩珥于軍上，將軍易。一曰：有破軍。○珥貫至，日有殺將。

日暈而珥，兩軍相當，先舉者敗。戰則珥所在之方勝。

日暈右珥，王侯有喜，人主有私事在後宮。

日暈兩珥不出六十日，有大喪。○日暈兩珥有謀反者。○日暈兩珥平等俱起而色同，有兩軍勢等，厚潤鮮明偏者，所當有喜。

日暈而珥如車輪，其國兵亡。一曰：暈左右珥皆如車輪者，兵起國亡，城兵滿野而城復歸。

日暈兩珥如井幹，其國亂，有兵大戰。一珥為一國之兵，二珥為二國之兵，三珥為三國之兵，同攻其國。一曰：日暈有珥，有暈中一珥為一主將，如珥之數。

日暈兩珥有雲穿之，天下名士死。一曰：士卒多死。亡。○日暈兩珥白雲掩映，天下有大兵。○日暈兩珥下有黃雲，人主有喜，期百二十日。○日暈兩珥

黃雲貫之不出三月貴人有死者○日暈兩珥有  
立雲貫日出國多妖孽有大疫大喪○日暈兩珥  
聚雲其中其城圍○日重暈之中珥天子有喜○  
日暈兩珥外有聚雲不出三月城圍○日暈有中  
四珥將亡改立侯王有反者重暈兩珥有爭兵○  
日暈三重兩珥有反者交暈而珥天下兵起有兵  
則罷

日暈且冠王者有拜謁若立諸侯有德令有大赦  
日暈且載人主有德令日暈而負其國有喜得地  
日重暈有四負國亂三日內不占負者青赤氣如  
半暈狀者暈上也○日暈負且戴國有喜得地戰  
從戴所擊者勝○日暈而貫且戴天下有立侯王  
若自立者其分益地○日暈而貫三珥天子有大  
赦亦為拜大將軍○日暈且戴有兩氣如珥形中  
赤外青其名曰珥色皆黃白潤澤有獻寶石奇璧  
者  
日暈四璫在外之兵悉敗散○日暈而冠且纓有  
喜兩軍相當則為解和○日暈有冠兩珥有纓貫

管子卷之五十七  
珥中下交日下天下有名之臣死不出三十日有  
赦○日暈有光珥且紐人主有喜

日暈有抱、為順王者有喜子孫吉昌政令行而  
軍相當得抱者勝○日暈有抱貫暈中在日西、  
軍勝東南北亦如之○日暈四抱天子有喜將相  
和協遠人來歸

日暈有璫為不順君臣乖離臣有外心其國兵起  
有逃臣兩軍相當有璫者敗也一日日暈而璫有  
反臣其端出暈反從內起又曰萬人戰死其下先  
舉者敗有列土立王者

日暈有背兵起其分失城一日背所在有叛城者  
背在東東叛南西北亦如之兩軍相當背所在之  
方敗一日日暈而有背有軍不合戰將有反者背  
在暈內內叛在暈外外叛一日日暈有背在暈外  
將民者亡○日暈在背在暈內其端出暈反從內  
出事成非端所出事不成日暈有背在暈中是謂  
不和其色外青內赤忠臣受主命者死之兩軍相  
當則為軍中有欲反于外者日暈而有兩背將相

死軍亡背有暈中臣背主命日方暈如井幹而上  
下聚二背將叛軍亡日暈而抱且珥易上將日暈  
而外有珥且抱圍城者勝日暈而暈中有珥且抱  
受圍者勝○日暈有六珥抱黃白潤澤內赤外青  
天子有喜軍不戰而將有來降者色青將喜色赤  
將兵爭色白將有喪色黑將死一曰赤抱有降者  
攻城大勝○日暈旁有兩珥下有抱天子有喜得  
妃○日暈四背白氣干之其端青赤妃與臣謀共  
為逆

日暈有直在兩旁其國有自立為侯王者封賞其  
左右兩軍相當○日暈有直所在方勝若戰宜居  
其厚而擊其薄○日暈有直為破軍貫日中為殺  
將○日暈外有一直臣自立內赤外青則成內青  
外赤不成日暈有二直有二人欲自立明者成色  
黑不明者死日暈有三直欲自立者不成日暈外  
有直而有黃白氣成則為立王  
日暈而四提大將出奔○日暈而抱且背得抱者  
勝○日暈而有一抱一背兩軍相當從抱擊背者

勝日暈而有一背一璫臣有反者出暈則事成日  
 半暈一背一璫有邪謀不成○日暈有四背璫在  
 暈內內臣叛在暈外外臣叛○日暈日有兩背璫  
 又半暈臨日有反臣中起不臣○日暈有三四五  
 六背璫其端盡出者兵從內起

日暈有戴且抱珥其色內赤外青黃色明潤者其  
 國有喜○日暈而珥有兩璫背在昏中其國戰不  
 勝而有反臣從中起○日重疊暈中有兩珥背璫  
 有叛臣從中起不臣○日暈有四珥四背璫期六

十日臣有兵謀有急事闡闕不行使天下更命○  
 日暈上有珥且背有兵兵入無兵兵起○日暈而  
 有赤雲如破車輪向日為內提內臣叛背日為外  
 提外臣叛

日暈而抱且璫得抱者勝戰則順抱擊璫大勝○  
 日暈重抱內有璫兩珥順抱擊者勝○日暈而抱  
 且珥或璫有虹貫之順虹擊者勝

日暈而冠三重日下有虹長數丈不出其年有反  
 者兵饑貴人絕亡後○日暈三重而珥其國有叛

管子地員篇要 卷之五十七  
兵亡其市邑○日暈再重而有兩珥白虹貫之有  
兵大戰橫屍滿野天子大憂○日有交珥而珥天  
下兵起有兵在外者罷交暈不匝當其空者敗  
日暈而有一抱一直一珥人主喜且有所立兩軍  
相當○日暈有抱有背有珥有直直而有虹貫之  
皆宜從虹暈而擊之而軍相當而日有冠珥及纓  
者皆為和解抱戴則為有喜日月無精光而有赤  
青暈虹蜺背璫皆在心度中是為大盪必有兵  
大喪其國受殃

### 日旁雲氣占

日暈有聚雲在旁色黃白吉色青兵行色黑內亂  
青赤兵解青黑兵戰流血

日暈有雲氣從外入者外兵入從中出者內兵出  
圍城而有雲氣從外貫暈入者外兵戰勝從內貫  
暈出者城中兵戰勝五色同占

日暈有聚雲如羽毛臨日不去有大兵憂

日暈有五色雲如杵貫日從外入外人勝從內出  
內人勝無兵在外為兵入出亦為有相謀者



日暈有聚雲不去不出二日兵起日暈有聚雲後  
外入不出三日城圍

日暈有雲如人在暈中背日者臣叛暈合不得去  
暈不合則脫去日暈不合有雲如人在暈外似相  
就者攻城不勝日暈有雲如人在暈中向日者忠  
臣受命出使還暈外遠使還得王色者有喜不  
得王色者有憂日暈有雲氣如人在暈上其國敗  
暈中君憂暈外臣憂死日暈不合有雲如牛從暈  
外來入暈中有反臣日暈有雲如牛居暈中不出

三日寇入城無兵則防奸宥日暈中若外有雲氣  
如死蛇屬虹大將死不利先舉者

日暈中有赤氣如戟臨日其下兵起有赤氣如四  
豹交日中中國君主亡有赤氣如連鼓貫日大旱  
三年○日暈旁有赤雲氣兩珥頭銳其下萬人戰  
○日暈旁有赤雲氣如節如旗狀在外亦曰蚩尤  
旗兵內起○日暈有貫暈日中臣弑主赤甚者其  
兵尤甚○日暈再重有赤雲從中出暈外天下兵  
起

日暈有雲氣如錦文潤澤從外入有文書喜至從中出天子使以喜事至枯乾不明有憂事○日暈有雲氣如樹居暈中兵起客勝一曰不出三日有兵入城中○日暈旁有氣如懸鍾將死如幢如節如壞屋所在之方軍敗散○日暈有黃氣承之得地○日暈有白雲如車蓋臨其上者攻城則城降日暈有白氣臨暈有兵在外大戰順氣者勝○日暈有白氣抱暈左右相對兩軍不戰各謀退○日暈旁有雲氣圓如日狀內兵有謀叛者○日暈旁有青黑雲氣來掩日有賊來劫營頽備之勝○日暈有銳氣如鋒四出亡城分裂以日宿占之

日暈有白虹貫日虹所起有反者○日暈有白虹貫暈從虹所起擊其所指破軍殺將若虹貫暈不至順虹擊之得小將虹貫出暈外從所出處順虹擊之勝○日出而暈有虹主人分地日入而暈有虹諸侯分地○日暈而有二虹貫暈有兵起客戰勝日暈而有二三青虹從外貫暈順虹戰勝○日暈而日中烏見軍敗君死期三年○日暈有四五

白虹從內出貫暈城中人出戰勝○日暈六七重  
有白虹貫徹之不可圍城城中人出戰勝

日食而有暈珥白雲氣風冥者后妃謀主天下大  
亂○日暈形如月人主信讒用佞而遠賢臣○日  
暈隳小人進用日暈如散花其分破亡○日暈上  
下斷絕不相續將軍妄行刑罰枉法於軍○日暈  
曲下垂三重向下軍中妖言將相惑兩軍相當○  
日暈如毛向外則主人勝客不勝軍多病死  
凡兩軍相當必謹審日月暈氣知其所起留止遠

近應與不應長短抱背為多少止遲疾厚薄大小  
枯澤有無虛實義函極相密踈勢等近勝遠疾勝  
遲大勝小厚勝薄長勝短澤勝枯抱勝背多勝少  
有勝無實勝虛義勝函密勝踈重背大破重抱為  
和親抱多則相親者益多背為天下不和分離于  
外相去者離于外背于內者離于內也○凡占分  
難相去赤內青外以和相去青內赤外日暈明而  
久內赤外青外人勝內青外赤內人勝內黃外黑  
內人勝內黑外黃外白內青外人勝內白外青內

管子地員篇卷之五十七  
人勝內黃外青外人勝內青外黃內人勝內白外黃外人勝內黃外白內人勝

凡攻城者遇日月暈謹視之有雲從外入急隨雲攻之勝若有雲從中穿暈而出宜防城中兵出○凡四時壬癸日有暈皆為大水凡日暈黃紫或吐紫氣或黃赤氣立日上或繞日或日出入常有紫氣或黃雲氣光輝射地日光大明皆為君安國泰之象日暈者陽精盛而抱日故有王色即為喜氣月為女主承君者也陰盛則侵陽非常之氣不宜常見是故喜在后宮非社稷之福也

日暈周匝為勢均偏厚為偏有福厚在東東軍勝在西西軍勝南北亦如之○日暈黃白兵不戰而解青黑為和解分地純黃貫日為土工人不安色黑為水陰國勝○凡日暈外青內赤為順宜戰內青外赤為逆宜守之

日雜雲氣占

日中有雲氣如人形者臣害主兩主相爭○日旁氣如龍銜日及如人卧背日其下有反臣○日旁

有雲氣如蛇其下有賊宜防之○日旁有雲氣如  
卧人死將○日旁雲氣如牛守日其國兵亂○日  
旁雲氣如馬守日有兵戰如青鳥守日司徒欲為  
不道如伏席守日天子貪淫如天牛守日國發兵  
如天馬守日賊傷百姓如青龍守日臣謀上一曰  
天子慎飲酒○日旁有雲氣如人行兩國兵戰臣  
謀主如歎向日開口臣弒其君棄國而去如赤蛇  
貫日下有反者如黃蛇貫日有交兵如黑蛇貫日  
有大雨水○日旁雲氣壯如蛇如馬色青有反者  
如兩鳥向日人主以暴虐遭禍如人卧如懸鐘其  
下有死將○日旁雲氣如人頭如旌旗皆為兵起  
流血○日旁有氣青白如鏡圓明其下有賢人隱  
○日旁雲氣如斧向日君無禮受殃○日旁雲氣  
如兩青鳥相向人主憂

日下雲氣如青赤馬敵人相謀宜急設備○日下  
黑雲氣如蛟龍其日有雨○日下漠々有氣如馬  
車烏蛇或如人披甲而走或如虎觸皆為大將叛  
○日下有氣如箭向外三日兵出○日上下四旁

有雲氣如車相隨有大水如博局小臣謀主○日  
上下有氣青色可以出軍戰必勝

青雲潤澤從西北來蔽日必舉賢良青氣來縱在  
日有奸人入營城○青氣三道貫日國有讒人將  
軍失位

日旁有赤雲氣如席萬人戰死其下曲如車輪其  
下有兵戰亡如箒夾日其下不宜先舉兵○日旁  
赤雲兩頭銳其下不宜先舉兵○日旁赤雲向日  
不出三年其下有自立者○日旁赤雲如衆樹兵

起客勝日上有赤氣客軍將死○日旁赤雲二道  
向日有自立者○日上赤雲如雄雞不出三日其  
分有兵喪○日有赤雲氣如死蛇其分大疫大饑  
○日下赤氣如懸鏡先舉兵者敗○日下有赤氣  
如鋒刃在兩旁破軍殺將

日將出時有赤雲氣在日上佞臣在君側赤雲如  
虹與日俱出所臨之國有兵起赤雲如布掩日為  
大戰以日宿占其分兩軍相當○赤雲如布如席  
來掩日其下有大戰○赤雲氣掩日有大戰亡國

管窺身要 卷之五十七  
○赤雲如鳥啄日兵起國君惡之○赤雲如兩鳥夾日國君亡○赤雲扶日其下兵起○赤雲相交隨日而曲如車輪臣背其主其下兵起○赤氣直日宮中有鬪君亡

黃氣抱日輔臣納忠○日上下有黃氣君有喜○日將出來出上有黃氣如半暈覆日人主有德令○黃氣貫日二子爭與衆共起禍凌天子

白雲氣廣二尺在日東西不去兵起國憂○白雲自下上冲日軍憂○白氣圍日有亡城○日下有

白氣如揭旗幟天子及其分君俱喜○白氣如懸弓大亂兵起一道一亂以數占之○白氣貫日軍在下將死無軍人主當之○白氣交錯貫日而過軍不和失律

黑雲氣貫日臣謀逆有軍在外客將亡○黑雲氣如狸皮掩日臣專權軍在外戰不利有屠城○黑雲氣入日有大雨○日出有黑氣貫之或一或二三不出三日必有暴雨不雨則有害主常以九月上丙日候

日旁有交雲其下兵起○日四旁五色雲皆新見  
其下國有謀臣 不睦○雲氣如杵長七八尺撞  
日臣犯上入之其國主死色青有兵○日旁有氣  
直立貫日宮中有鬪○雲氣如錐刺日君死于賊  
四時日旁有雲氣如 日以五色占如色克其  
時令者臣不利于君 出沒時有雲橫截之白  
為喪黑為驚三日內有雨則解○赤氣隨日出君  
有憂隨沒外告急

日旁氣如虹貫日青為疫五穀傷赤為臣有欲反  
者白為兵起黃為反爭黑為大水一曰白氣如虹  
貫日君亡臣伐五色氣如虹貫日白衣為會其下  
謀亂赤氣則其殃甚青氣赤氣如虹與日俱出所  
臨國有大憂赤黃氣如虹在日旁出如車輪或二  
三成五六此天之殺氣也名曰天殃其國兵旱疾  
疫俱起

氣青赤如暈十字界日不出五十日夷狄伐中國  
君出走大亂三年○日垂氣如虹中天而下于地  
其所下兵大亂○日垂青足所下有疾日垂黑足



將軍凶

日已出欲入天雲皆赤黃色名曰日空其下為有  
移民而去者日入始人赤雲四方盡赤大旱兵起  
久旱而有赤雲偏天始映山谷來日有兩日影如  
蛇國敗君亡

凡日月彗氣出疾者禍福皆輕留漸久者漸重竟  
日連夜則禍福俱大也

月彗氣占

月有戴不出百日人主有喜○月有四珥其下國  
安有喜○月有珥色青為憂白為喪赤為兵黑為  
亡地黃為喜○月有兩珥其下國喜兵在外則勝  
高宗占曰月有兩三珥其國有喜四珥女主憂不  
則天下有立諸侯

月昏而珥天下兵大起不出六十日荆州占曰月  
昏而珥有半喜○月夜半而珥邊地有怨○月有  
白珥其下城降○月左有珥臣與君青衣北宮奸  
月右有珥臣與君青衣南宮奸○月冠而珥有大  
風人主喜月戴而珥期百日人主喜○月有背璫

臣欲為邪其色青中赤外有芒刺則為逆赤中青外無芒刺則為謀數見則國亡一曰月有背璫臣下縱放相殘天子宜備左右○月有四璫下暈臣下有謀不成○月有抱為順有背為逆抱且背為不和臣有為忠者亦有為邪者○月有四提天子無後其國有憂有六提天子遊行天下

凡有暈有珥皆為兵起不暈而珥則為有喜凡月暈為之逡巡人君之政和平○月終歲不暈天下人安○月暈者臣下專權之象○月暈則受冲及所在國皆不安

凡孟月七日仲月八日季月九日之夜皆當月暈暈不以其日不出三日內當有暴風大雨不則為兵灾又曰月暈七日無風雨兵起土工興月暈黃色將軍喜進爵祿月暈赤有光天下兵起攻城城降月暈闐者其國君背約月暈中赤外青羣臣親附外赤中青臣有外心

月暈東向風敗五穀西向有風雨害五穀北向為水南向者旱風○月暈正卯天下有兵兵合無兵

管子地員篇  
卷之五十七  
主凶○月暈明王者自將兵

月暈再重有大風兵起月暈三重兵起有拒城有  
亡國月暈四重天下易主一曰亡國月暈五重女  
主死不則有大憂月暈六重國失改天下有喪月  
暈七重天下有急天子有憂月暈八重以至十重  
流血更主

月暈一重下缺不合上有冠戴旁有兩珥白暈連  
環貫珥國有大兵大戰流血其地紛紛不出一年  
月暈再重有赤雲遠之如杵冲之有兵在外萬人  
戰死月暈再重有背有反者在內私成于內在外  
私成于外月暈三重外赤而中濁不徵軍聚會一  
曰兵起土工與相苑女主憂月暈三重赤雲貫之  
其下國亡常以十二月八日候月若暈再重有大  
亂兵起灾在內女親用事

月有兩暈不合其月有水○月色黃有交暈所宿  
國受兵○月有交暈赤光有光不出三年其被兵  
○月色黃白有交暈一黃一赤所宿國益地不出  
三年交暈貫月有軍相守從貫擊者勝殺將

月暈如連環兵起爭地連環一二至四五皆為女  
主昌○月暈三重連環相接黃色天子溺愛寵妾  
上僭以妃為后之族盛強其國危亡黑色來年大  
水五穀不成赤色為兵為旱○月一歲有連環暈  
至四五其色青赤或赤黃潤澤皆為女主昌欲移  
國祚○月暈連環有白虹干暈不及月女貴人有  
謀作亂有白衣會宮中多怪○月有白暈連環連  
接北斗其國大兵大戰亡地○月暈連環貫北斗  
魁大臣下獄流血千里○日暈連環及三台五車  
北斗文昌皆為文主昌人君弱后宮有喜亦有大  
赦

月暈而冠天子有喜多大風○月暈而珥兵起戰  
從珥所擊者勝一曰有大水有女喪○月暈一珥  
得珥之國失地月暈兩珥先起兵者勝○月暈不  
合有兩珥其國大水不出一月○月暈兩珥有白  
雲如虹或白虹貫之天下有大戰以日宿占國○  
月暈有抱珥在暈外外人戰勝在內內人勝○月  
暈有璫珥在暈兵死○月暈一重下璫上冠旁珥

兵起

月暈有虹蜺乘之以戰從虹所往勝○月暈白珥上將戰死○月暈有虹蜺直指故暈至月破軍殺將○月暈有白虹貫月兵大起將軍野死

月暈有雲橫貫之起兵者勝一曰左右吏死○月暈有雲如布或三成四貫暈有兵從之味忽當之戰當之者必敗○月暈有白雲如杵抵月其年有女喪○月暈有雲貫月其年國有喪○月暈而有赤雲如火其地圍城降

月暈有白氣從外入攻城者勝從內出城中兵出勝○月暈有白氣交橫貫月大將暴亡軍敗月暈有流星出暈中其國貴人走有流星出暈中臣走在外者還○月暈而有流星交入暈中或落月上下其分國亂○月暈天無雲有流星過月上下其國有喜○月暈而流星橫度暈中諸侯有亡國失地者一曰其分有王侯之喪

月暈有雲貫暈蔽月不出其年國有喪流星從月暈中出其國有憂赤色有拔城黑色破軍○月環

暈有流星入之外國有使來出之天子后宮得子  
孫○流星色黃明潤澤為喜○月暈色光明鮮者  
戰必勝○月暈有客星在月北北國勝在月南南  
國勝○月暈先合而後消所在之方勝

月以正月三日暈所宿國小熱五日暈大熱二日  
暈有土工興一曰月以正月八日九日十六日十  
八日夜有暈者其年三月有德令○十一日夜暈  
大旱十二日夜暈蜚虫死二十三日二十五夜暈  
五穀不成二十五日二十六夜暈象貴一曰月以

正月八日十二日夜暈國兵盡出有軍在外則罷

○正月上旬一暈樹木虫二暈禾穀虫三暈雷震  
物五暈天下更主六暈有亡國七暈八暈道路多  
死人○正月上旬月三暈大赦天下在明年一曰  
正月三暈民鬪歲惡○月一月三暈王者自將出  
行一月五暈其國亡地十暈以上天下更改○五  
月一月九暈道路多熱死人○月正月甲乙日暈  
人疾疫丙丁日暈旱戊己日暈大水土工庚辛日  
暈大兵壬癸日暈江河決溢

月春暈木日夏暈火日秋暈金日冬暈水日四季  
暈土日皆為其分有殃主死國亂○月以庚戌日  
夜暈有赦所謂夜者自子至日出自日入至亥皆  
為其日之夜也他倣此

月暈向角亢大將軍有憂○月暈向角亢氐房心  
五宿以丑寅月大赦向四宿小赦○月暈房勾及  
箕大風動○月暈亢及心尾四足虫為害不出其  
年國易政山崩○月暈箕尾人疾疫○月暈向角  
亢氐天下士卒死四足虫亦多死○月暈圍箕斗

兵從東北方來勝從南來者不勝○正月暈圍箕  
斗五穀不成○月暈圍南斗大將易○月暈圍牛  
女女工絲枲皆貴牛多暴死○月暈圍虛危有兵  
謀不成一曰兵起宗廟動○月暈圍室壁風起大  
水寡婦嬰兒多死其地有謀不成一曰土工大興  
○月暈圍奎婁其地大病水虫多死○月暈圍胃  
昂人多腹疾圍昂畢有德令不則有反者兵起○  
月暈圍昴畢參有赦不出三年人主憂○月以太  
歲所在日辰暈畢至五車及一星小赦及三星五

星大赦○月以建子之月暈昴至參盡及五車皆  
在暈中有大赦不盡有小赦期來年五月○月暈  
圍參井多冰霜○月暈圍井鬼其年不和一曰旱  
○月暈向畢觜參弓弩貴○月暈圍翼軫軍在外  
戰亡其禍將○月暈圍軫角先起者不勝有赦期  
百二十日

月在角暈圍北斗大臣有誅者○月暈環北斗魁  
第一第二星天子立妃為后北國有敵者○月暈  
北斗柄三星有大風雨不則大臣有死黜者○月

暈環天市旁心貫索而有火天子宫中防火○月  
暈昴畢五車參井來年五穀熟女主恣○月暈貫  
北斗輔星大臣下獄圍紫微垣門至文昌有赦○  
月暈圍太微翼軫少微三台女主大盛喜在後宮  
○月暈圍北極五帝內座臣專權謀蔽主明天下  
不安兵起

白暈貫月王者惡之一曰兵起大戰將死又曰臣  
不臣○赤氣貫月大兵起在夏大旱在秋民不安  
在冬女主有喜在春五穀不成青氣貫月在冬春



女主大昌白氣貫月在春女主灾有白衣會在夏  
大水在秋為風在冬人主納后妃黃氣貫月四時  
皆為女主強盛黑氣貫月在夏有水滂女主不安  
春秋冬皆為多雨陰晦

紫氣抱月上下遍女主大昌不利社稷黃氣遠月  
上下或如虹射月或穿月過或月上下有五色雲  
氣簇月或月暈五色四色鮮明光彩或月生黃氣  
高一丈二尺以至五丈之上或黃氣如暈圍月皆  
為陰盛陽衰人君重女色輕社稷此氣數見則女  
主得政在後宮○月暈赤白青或赤黃或純黃如  
暈或月有黃氣四散或紫赤黃光射月者皆為人  
主欲立后妃政在後宮

月始生有黑雲貫月名曰繳雲或一或二不出五  
日有暴雨○月始出有雲居其中狀如禽獸名曰  
綦甲乙日見東方受其殃丙丁日見南方受其害  
戊己日見中央受其害庚辛日見西方受其害壬  
癸日見北方受其害  
月下氣如人隨是謂惡成其下國分王侯當之

月下氣如飛鳥其分無君○月上下有赤雲氣臨月當其地有亡君

月旁有白雲如杵抵月六十日內有戰破軍殺將○月旁有多赤雲如人頭兵起流血白為兵起黑為大水○月旁有白蒼黑雲各一成二三大如厚布抵月圍城拔邑

青雲刺月是謂賊害主受其殃五穀不成赤雲刺月是謂仇賊黃雲刺月女主有憂白雲刺月其下君亡黑雲刺月多陰雨黑雲繞月女主灾黑氣如暈圍月或射月皆為女主不安七日有雨不占月暈有非常氣色皆為女主有謀○月不暈而抱珥冠戴承履者皆吉數見者君安臣順后宮齊女主昌○月四時有昏暈皆為大水

管窺輯要卷之五十七終

管窺輯要卷之五十八

六安黃 鼎玉耳父纂定

男九命簡臣

九思視光

九成

桐城方兆及子詒同閱

雨晴備占

乾坤秘錄曰子日東風卯日雨丑日東風辰日雨  
寅日東風巳日雨卯日東風午日雨辰日東風未

日雨巳日東風申日雨午日東風卯日雨未日東風申日雨申日東風子日雨酉日東風丑日雨戌日東風寅日雨亥日東風辰日雨

又曰甲子日雨丙寅止乙丑日雨丁卯止丙寅日雨即日止丁卯日雨夕止戊辰日雨夜半止巳巳日雨立止庚午日雨辛未止辛未日雨戌寅止壬申日雨即日止癸酉日雨甲戌止甲戌日雨即日止乙亥日雨即日止丙子日雨辛巳止丁丑日雨夕止戊寅日雨即日止己卯日雨立止庚辰日雨即日止辛巳

日雨癸未止壬子日雨即日止癸未日雨甲申止甲申日雨即日止乙酉日雨丙戌止丙戌日雨夕止丁亥日雨即日止戊子日雨庚寅止己丑日雨壬辰止庚寅日雨即日止辛卯日雨癸巳止壬辰日雨辛丑止癸巳日雨夕止甲午日雨即日止乙未日雨丁酉止丙申日雨夕止丁酉日雨己亥止戊戌日雨辛丑止己亥日雨即日止庚子日雨甲辰止辛丑日雨壬寅止壬寅日雨即日止癸卯日雨即日止甲辰日雨即日止乙巳日雨丙午止丙午日雨即日止丁未日雨

即止戊申日雨庚戌止己酉日雨辛亥止庚戌日  
 雨即止辛亥日雨癸丑止壬子日雨癸丑止癸丑  
 日雨即止甲寅日雨即止乙卯日雨丙辰止丙辰  
 日雨丁巳止丁巳日雨即止戊午日雨即止己未  
 日雨即止庚申日雨甲子止辛酉日雨即止壬戌  
 日雨即止癸亥日雨即止

又曰子日雨立止不止寅日止丑日雨寅日止不  
 止卯日止寅日雨立止不止卯日止卯日雨立止  
 不止巳日止辰日雨立止不止戌日止巳日雨未

日止不止申日止午日雨立止不止至十日陰未  
 日雨申日止不止戌日止申日雨夕止不止見日  
 久陰酉日雨立止不止久陰戌日雨立止不止久  
 陰亥日雨立止不止久陰

二十八宿占風雨陰晴訣

日逢井鬼多風雨 若遇奎星天色晴

婁危陰雨天色冷 昴畢有風天色晴

觜參雨過大風起 壁室多風天色晴

星張翼軫有大雨 角亢夜雨日還晴

若遇柳星雲霧起

氏房心尾向前行

春季

虛危室壁多風雨

若遇奎星天色晴

婁胃烏風天冷凍

昂畢溫和天又明

觜參井鬼天見日

柳星張翼陰還晴

軫角二星天少雨

或起風雲傍嶺行

亢宿大風起沙石

氏房心尾雨風聲

箕斗濛濛天少雨

牛女微微作雨聲

夏季

虛危室壁天半陰

婁奎胃宿雨冥冥

昂畢二宿天有雨

觜參二星天又陰

井鬼柳星晴或雨

張星翼軫又晴明

角亢二星太陽見

氏房二宿大風雨

心尾依然宿作雨

箕斗牛女遇天晴

秋季

虛尾室壁震雷驚

奎婁胃昂雨淋庭

畢觜參井晴又雨

鬼柳雲開客便行

斗箕牛女必有雨

氏房心尾雨濛濛

管子... 卷之五

管寧車要 卷之五十八  
張星翼軫天無雨

亢角二星風雨聲

冬季

虛危室壁多風雨

若遇奎星天色晴

婁胃兩拜天冷凍

昂畢之期天又晴

觜參二星坐時晴

井鬼二星天色黃

莫道柳星雲霧起

天寒風雨有嚴霜

張翼風雨又見日

軫角夜雨日還晴

亢宿大風起沙石

氐房心尾兩風聲

箕斗二星天有雨

牛女陰凝天又晴

若然風雨天寒凍

三霄五陰不曾停

占卜晴陰真妙訣

仙賢秘密不虛名

掌上輪星天上應

若然塵穢損瓊精

霧蒙霾附雜占

春秋元命包曰陰陽氣亂而為霧霧者百邪之氣  
本于地而應于天是謂陰來冒陽其占為臣蔽主  
明小人擅權不利於上蒙者濛濛日不明也京房  
曰在天為蒙在地為霧日月不見為蒙前後人不  
見為霧蒙霾交錯陰邪干政人君不悟必有亡國

管子地員篇  
卷之五十八  
河碯曰山東大霧連十日以上不散者山崩之象也霧者水脉也凡霧氣不順四時逆相交錯微風小雨積日不解晝夜昏暗者天下欲分離

連陰十日晝不見日夜不見星亂風四起欲雨不雨其名曰蒙下人有謀上者洪範傳曰皇之不極厥罰恒陰有下人伐上霧氣若晝若夜其色赤黃交相掩冒合散者如之天地四方昏蒙若下塵十日五日以上或一月或一時雨不沾衣而有土其名曰霾諺曰天地霾君臣乖不大旱外人來凡晦不見日星昏氣龍衣人慘慘悽悽者兵亂之氣也故曰若霧非霧衣冠不濡見則其邑披甲而移

凡霧從夜半至日中不開遂上為蒙者臣行邪政于民而君不悟也氣蒙從夜半至日中不解遂合為霧者君行邪政于民而臣不諫也過日中似雨者臣強不避也若霧終日終時其國君有憂霧連五日不風不雨其地有亂兵起日出而霧連五日六日以上期六十日兵起日中霧起至昏不止其地易主四時日出即有霧其地大擾



凡霧氣四合至步不見人名曰晝昏不有破國必有滅門河菑曰霧乍合乍散臣有謀逆者不成自亡○凡霧從四起來合于中央即為兵起

凡霧色黃少雨白為兵青為疾疫黑為暴雨赤為兵旱又曰霧色黃大風又為土工

凡霧下色如黃土名曰黃霧天鏡曰天雨黃霧百姓奔亡又曰黃霧四塞國亂兵起京房曰黃濁四塞天下蔽賢絕道其災絕地白霧四面圍城必有兵至城下無兵不出百日兵起白霧四面圍城霧

不入城城不可攻霧入城城必破春三月清旦霧起再沈過三日元命曰帝謀兵不出六十日兵起夏三月卯時霧起再沈至三日不出半年兵起秋三月暴風甚雨朝夕見至三日不出一年兵起冬三月疾風暴雨狀如大雪至三日見不出百日兵起

春乙卯日霧兵起東方夏丁卯日霧兵起南方秋辛卯日霧兵起西方冬癸卯日霧兵起北方凡霧氣四合有虹見隨四時色無傷有所克則凶

凡白霧虹奸臣奪君權擅立威虹首尾至地流血  
之象虹出霧中其年兵起晝霧白虹見君有憂夜  
霧白虹見臣有憂京房曰甲乙日霧人疾疫丙丁  
日霧旱戊己日霧土功興軍在外則有拔城庚辛  
日霧有兵壬癸日霧有水

甘氏曰春甲乙寅卯日霧氣色青出東行戰者客  
勝夏丙丁巳午日霧氣色赤出西行客利主人凶  
季月戊己辰戌丑未日有霧氣色黃出北行客利  
主人內亂秋庚辛申酉日霧氣色白出東行客利  
先舉兵者勝無軍在外則兵起冬壬癸亥子日霧  
氣色黑出南行客利主人受其害

凡子日霧馬馳人走四時同亥日有大霧從子卯  
上來賊至城邊急防之戊午日霧起累日不解兵  
起兵在外戰十月壬癸日有赤霧其地有兵  
凡冬三月庚辛日霧不出三年兵革滿野

凡四時受商之日夜半大霧至日中者兵大起近  
期七日內有雨即解八魁日陰霧兵大起春見秋  
發夏見冬發秋見春發冬見夏發霧在軍中其國

管窺輶要  
君死將軍罷

八魁日見  
陰陽書

凡風霧晦暗冥不分晝夜陰為臣制君晝霧夜明  
臣志得伸夜霧晝明臣忠不伸兩軍相當有霧即  
日微雨者客勝有霧無雨者主人勝霧已除而氣  
彌天者賊多晴明賊少  
凡有霧連天三日羣猾起霧如塵沾衣寇亂兵起  
軍中氣非雲非霧形如禽獸主人忌之

### 虹蜺

虹蜺者陰陽之交氣也陰陽之氣和則為雨露怒  
則為雷霆淫則為虹蜺虹者陰也蜺者切蔭也灾  
氣傷害于物如有所蔭也一曰鎮星之精散為虹  
蜺又曰虹蜺者斗之亂精斗失其度則生雄曰虹  
雌曰蜺多在日月之冲獲出色鮮明者為虹暗者  
為蜺蔡邕曰見于日冲曲而青者曰虹見于日旁  
白而直者曰蜺主内淫主惑心虹以立春四十六  
日內出正東貫震中春多雨夏多火灾秋多水民  
流亡冬多海賊春分四十六日出東南貫巽中春  
大旱灾立夏四十六日內出正南貫離中大旱麻

管子地員篇  
卷之五十八  
九  
不收夏至四十六日出西南貫坤中有小水蝗虫  
為害魚不孳立秋四十六日內出正西貫兌中秋  
有水有旱秋分四十六日出西北貫乾中秋多水  
虎食人立冬四十六日出北貫坎中冬少雨春多  
水灾冬至四十六日出東北貫艮中春多旱夏火  
灾粟貴

凡虹三月出西方有青雲覆之夏多寒人病瘧病  
疫赤雲覆之夏旱黃雲覆之夏小旱五穀半收白  
雲覆之夏多大風人疫黑雲覆之夏多大水夏三  
月虹出西方有青雲覆之秋多寒灾民病瘧赤雲  
覆之秋旱黃雲覆之秋大收白雲覆之夏多大風  
黑雲覆之秋多雨秋三月虹出西方有青雲覆之  
冬多寒民病瘧疾赤雲覆之冬大旱黃雲覆之冬  
米賤白雲覆之冬多風黑雲覆之冬多雨冬三月  
虹出西方有青雲覆之春多寒人病瘧疫赤雲覆  
之春多旱黃雲覆之春雨調和白雲覆之春多狂  
風黑雲覆之春多雨水  
凡虹出南方無春夏秋冬所見之處陰陽不和風

雨不時不出三年大饑百姓流亡不歸虹出北方  
無春夏秋冬所見之處陰陽不和風雨不時冬溫  
夏寒小民怨咨五穀不成大旱大饑三年哭泣相  
隨一曰大旱二百八十日民疾疫京房易候曰虹  
九相五蒼無胡者虫也赤無胡者蚩尤旗也白無  
胡者蜺也衝不屈者天杵也在上下不屈者天棊  
也此五虹以甲乙日出東方人飢丙丁日出南方  
大旱庚辛日出西方邑多空戶五步六死人壬癸  
日出北方出北方人相食虹以夏三月出西方麥

貴七八月出西方粟貴九月出西方大小豆貴十  
月出西方稻貴一出貴一倍五出貴五倍民流千  
里虹立秋後見西方萬物貴秋冬出西方色多白  
天下小口傷十月出北方東方其邑亡戊己日出  
中央及西南方人君凶二虹并見兵起期二年  
凡五虹并見天下大亂兵起天子出期三年九虹  
俱見五色縱橫九女并為妃后女謁亂行人主失  
威天下交兵二虹屈出其下有大戰亡城  
凡虹蜺巨天后妃陰脅天子虹蜺數見后妃黨盛

方虹見有暴兵起屈虹東出下有破軍殺將日旁  
有屈虹下有大戰流血虹出橫至上反入直而不  
屈不出九十日民多病死不出三年大旱民流血  
虹出直上所出之下大旱民妖白虹民多病死青  
虹東西極天兵起虹三日不散不出一年大兵起  
赤虹從天直下國亂無主赤虹如杵將死軍亡流  
血成川赤虹冬出其野有戰糴大貴

凡赤虹與日俱出其野有急兵所臨之國憂不可  
舉事用之白虹見諸侯兵起國有女亂天文志曰

虹百殃之奔衆亂之基白虹出其年有兵赤虹出  
其下流血當其城必空

白虹如杵萬人死其下白虹貫日近臣有為亂不  
則諸侯有反者白虹首尾至地者有流血白虹暮  
出國易政

白虹夜出其年大兵起白虹從地中起出所出之  
地大饑人兵流血

白虹分裂為五六殿大戰流血日旁有四五虹交  
貫所臨之地流血兩軍相當從上擊下大勝

白虹長十餘丈上下銳或直或曲皆為大戰流血  
從所指擊之勝

凡秋三月有白虹出西方兩軍當陣兵以指之若  
有赤氣冲之必有獲城白虹屈曲在上有大戰白  
虹繞城不匝宜謹守其缺白虹出軍中有亂蜺狀  
如日月暈必有破軍起先者勝

虹蜺五色重疊光映照地所出之地兵起京房曰  
白蜺守日如抱弓妃在君側為媚欲奪其正也蜺  
困日表其內青色婦奪君也蜺直指日者婦從外

來候君歡欲媚之也蜺有形而顏黑漸微者婦怨  
望也蜺圍日復下貫者妃后亂不止天且示亡之  
象也蜺有迴口復下貫者君喜其后妃亂故以亡  
其國也蜺見九重而圍日者天下將大亂也蜺在  
日旁而指者軍外通于臣也蜺或回日上下五六  
尺表裏青者君與臣為非也蜺有四珥白氣貫者  
后妃有謀也蜺圍日君失德  
凡蜺皆陰撓陽后妃無德而以色親君陽道有失  
之象

凡虹蜺連蜷近日或貫日皆為后妃專政人君有憂

虹在日上近臣為亂日色赤青有虹貫之君弒虹在牽牛度中有壞城虹出織女度中后族強專國政

天無雲有赤虹貫遠昴畢臣主相伐白虹圍軫有亡國

虹貫太微后族專權虹出營殿園池或井若下入之皆不出其年君亡政亂虹出入人家屋中妊婦

### 死家破敗

虹在人家井者其家有兵傷一曰當出貴女而後家受其殃

虹自井出或自外入飲井水者城破從外順虹攻之勝屈虹入城城可屠城中有黃虹貫之主喜青黑凶赤白大戰陷虹垂軍門有流血虹蜺直指順虹擊之大勝

降氣小長反弓下有亡國降氣冬見國有大喪有雨則解降氣位天三日不解不出三年天下大兵



青黑者大喪降氣五色或赤白經丑未或東西極  
天者為兵京房曰有霓濛霧上下合蒙如塵霓日  
旁氣也赤虹蜺再重為虹旱應在冲蜺狀如禽在  
日旁內罷奪后天下絕嗣蜺狀四方日光不明濛  
解而溫人君淫媒同姓無別

白虹在日側黑氣隈之后妃不正白虹貫日赤蜺  
四背人主惑罷妾而棄正嫡蜺直在左而交在右  
人主無嗣

白蜺奪日光尊卑不別石氏曰虹頭在江淮河漢  
之內軒轅之變也見即陰雨見西方即旱色蒼白  
則多為喪為水赤多為旱

### 虹部占

書云季春之月虹始見說云鎮星之氣散為虹蜺  
雄曰虹雌曰蜺

小雲之日虹藏不見虹者攻也純陽攻陰之氣者  
也天道陰陽不和而生此氣彌天者也

白虹者百殃之本眾禍之基

凡攻城野戰有虹見於城營之旁或飲軍水于軍

管子 卷之五十八  
內東西南北皆有王時王則急固守勿攻衰則疾擊之必勝

春東方青虹者青龍之象不可攻青赤者為王不可攻白黑者擊之勝

夏南方有赤虹者朱雀之象不可攻黃赤者王也不可攻白黑擊勝

秋西方白虹者白虎之象不可攻赤黃者不可攻青黑者可擊之

冬北方黑虹者玄武之象不可攻赤亦不可攻黃青白者可擊之

虹蜺如日月之象暈者必有敗軍死將先起則勝虹蜺所指處擊之

凡攻城圍邑遇五虹宜野戰戰若不便須臾自固守

白虹貫日天子灾深荆軻欲刺秦王白虹貫日也顓頊欲生虹瑤光貫月

虹蜺下人君宮室及飲井水不出一年君薨國亂前漢王旦反大虹下入宮中飲井水水竭

管窺輶馬 卷之五十一  
十六  
蜺雉出日中妻○黑蜺四背妻不順

白蜺在日側黑蜺裏之氣正直妻不順白蜺貫日  
中赤蜺四背婦人擅國

起  
晝霧白虹見君有憂夜大霧白虹見臣有憂兵大

虹首尾并至地流血之象白虹夜出其年兵起遠  
三年

白虹赤虹所見之國為流血之兆

白虹貫日近臣叛諸侯兵大起白虹夏數出東方

麥貴

虹蜺屈旋城上其下流血

白虹長丈如杵形如甕屈赤者大戰流血白虹繞  
城不遞從從所在擊之必獲勝

赤虹從下直上其國喪亂亡地白虹而霧者奸臣  
有謀臣志得伸

虹如屈蛇冬出下有破軍亡地虹在日左兵革退  
虹與日俱東方所見分野凶晉十年日在東井虹  
長十餘丈丙午日見災在秦分野秦亡之驗

虹見續而復斷斷而復續皆有爭戰流血之憂虹  
從井中出者國傾家空虹尾東西不過三朔有大  
赦

霜雪露占

霜者季秋始降陽氣育物陰氣殺伐霜者天地之  
刑殺也

冬霜不殺草木夏而降主政令苛誅伐不行○霜  
附草木不下誅伐不原○霜反在草木下不教而  
誅○霜傷谷誅伐不由君出在臣下○霜夏殺五

穀必興兵妄誅亡法身灾○冬霜殺麥菴謂不仁  
誅伐不原○霜有芒角賢聖灾害○霜附草木至  
地佞人依刑為私賊○霜傷麥大凶○霜在草根  
上下間隙不教而誅虐也○霜傷桑不祥○霜非  
時陰氣作故政在大臣○春霜殺草木是謂陰盛  
君弱臣強○霜非時殺草木是謂虫入大饑三月  
大傷殺草木其下有兵歲多水人飢○年中桃李  
花夏有霜李再花春有大霜○凡夏霜物傷葉秋  
霜物傷實冬霜物傷根霜傷葉花則傷小兒傷苗

則傷壯者傷實則傷老人傷根則傷婦人多死○  
冬無霜雪不出一年人民相食去離一云冬天不  
寒國易主民飢○霜未罷而重已霜此人君緩而  
嚴于刑○凡夏霜雪冬雨水此皆君易國政○霜  
下日出未消人君刑罰不行○日中霜未釋見日  
而反為霜此臣行刑不避君○霜見日而不消此  
人君執法堅不可化○霜不殺物臣假君威或不  
星而有霜此臣擅行誅伐○霜下有聲兵來侵伐  
○霜傷政則虫蝗為灾有大水

凡雪非時將相專政陰氣盛也○雪深三尺鳥獸  
大半死者是權臣奸佞○盛陰雨雪凝滯陽氣薄  
之則散政在將相○大雪凍死人馬不祥之兆○  
夏有雪賊臣有謀○春雨雪不消妻妾當專政擅  
持君威天下民飢○盛夏有雪大喪天下兵起○  
秋雨雪百姓多死○冬春孟月雨雪大相伴者羣  
大零落天下大喪○凡雪地屋上先有消者下有  
金寶○雪厚三尺以上皆大凶兵起一云春雪不  
消天下饑兵盜并起○雪附木者此人君信諛殺

忠臣○夏有雪大兵喪天下亡○冬候是時積雪  
 物豐國泰○雪初下大到地而小者人君行  
 有愍物之心○雪下未到地而却上久而復下  
 此人君欲寬宥死罪○雪下而温此人君寬有罪  
 寒者不當寒而寒大風天赤者有兵或雨止而寒  
 者此人君施賊心○寒或鳥獸敢飛動者人君用  
 賢○寒或走獸不敢起  
 法嚴不敢諫○  
 或樹木肅々人君法嚴  
 ○冬至後十日  
 凍者此人君不行刑罰  
 死罪者

凡露者萬物之潤也  
 之露無名

露秋之露也○甘露  
 德惠愛甘露則

○甘露亦名天酒如  
 時甘泉出甘露

雷電雹占

雷者震也震為雷々出地易云二月出地八月入  
 地雅云疾雷為之霆○雷激為霆穀梁曰陰陽相  
 薄而為電激而為雷春分發聲秋分收聲雷聲  
 天之威雷出萬物物之經云迅雷烈風莫不蠢  
 抱朴子云雷者天之鼓又云豐隆為雷師出有

管子地員篇  
卷之五十八  
百里之震象人君出興利入除灾○陰陽相感謂之雷電

凡占雷初起天門人安初起水門流水滂沱水傷人初起土門五穀賤泉長一云多疾病初起木門棺木貴一云穀貴初起風門五穀傷有暴霜一云多雪初起火門夏旱虫蝗攢五穀初起金門銅鐵貴初起鬼門人多病死一云禾稼好坎為水門艮為鬼門震為木門巽為風門離為火門坤為土門兌為金門乾為天門

凡春雷先發聲于東方五穀豐夜鳴歲半熟于南方鳴聲小而早夜鳴大旱種稼不成若干西方鳴骸骨滿野牛馬多疾夜鳴赤地千里若干北方鳴百川皆溢

春三月甲子己丑戊寅己卯戊午有雷霹靂下石有大兵夏三月甲子己丑戊寅此日雷或殺軍在外有戰一月而應庚子雷必有惡應一月而應庚午雷不出百日其地大兵起

凡八魁日有疾雷有大戰有大風有急令八魁日

者春己巳丁丑夏甲午壬戌秋己亥一日己丑丁未冬戊子一日戊寅壬辰不雨而電光所及兵將為血雷霆而深聲掄，淺狀欲息而有喘無風此國君憂及象廣雷擊郡縣下人有謀雷擊宮庭中人大夫欲逆不出五年交兵流血雷擊人君宮室臣下用事謀反有癘後漢時雷擊憲陵寢室是時梁冀用事之應

雷擊宗廟是謂天戒人君暴不出一年有兵起入年有削地奪國雷霆擊貴人屋佞人持政不出一

年有大兵水一云六年國亡雷擊貴人從車馬此乃人君惑于佞

冬雷夏雹人饑食三百萬凡冬雷大凶人君有凶咎在其國坐種萬人逆天下心不順國亡其地骸骨滿野

上朔冬有雷如上古無雲而雷不祥大水大兵立冬雷發聲秋糴糞

雷霆霹靂入屋 樹小人在位君子逃野人主用佞害政烈士去之雷霹靂入宮室中后妃用事爭



政

冬雷若驚震人主國令有改政兵喪益興稼穡不登

雷發一聲止此國君出重令雷震而不雨君欲為事不利于民時有風行其令也雷聲霹靂蛟龍見國有賢士

雷霹靂大風而發木折屋小人在位賢人在野霹靂殺人此人君聽讒佞以殺忠良春分至三伏雷不發聲

無雲而雷謂之天鼓大災君令不從宜急施恩講武穰之

凡軍營中雷電霹靂擊樹木屋舍吹沙走石賞賜軍士急移之不去兵敗○軍在外天雷震動將軍兵士悉衣甲執刀上弓皆以敬天之威天有助焉軍上雷多者其軍必能勝○軍將交戰而雷電風雨占其來處不可逆戰固守吉定而攻之○雷雨軍中尤甚者將戰無功○雷霹靂聲下軍中士卒

管窺輶要 卷之五十一  
三十一  
叛

大雷光繞北斗樞星照郊野天孕聖人軒轅之驗  
電大而非常時并為災若不為災人君聖明電者陰  
陽賡也電傷陰賡陽盛陽雨水湯熱陰氣賡之則  
轉而為電

凡電多者大水之兆君信讒言多殺無辜故天降  
電應之

電傷禾稼電折木政在大臣天數頻雨電亦兵之  
象也

電下如珠者此人君欲害人民之甚也電下如藜  
實者此人君侮慢民庶電過者此人君惡聞其過  
也電下殺飛鳥人君信讒責罰無辜電下盡剝樹  
皮木枝又害五穀者人君賦歛酷虐民有自殺之  
心也電下毀屋瓦甍破車殺牛馬者人君私任小  
人

凡木再花夏有電杏再年多有火電凡忽有聲若  
雷者此設天鼓所聞之地軍多敗震之往他軍吉  
震入我軍凶



